

Chapitania da la navigaziun interna AFQ

Chapitani da la navigaziun interna AFQ

Verkehr

Durada

3.5 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
900.-
2. onn d'emprendissadi: CHF
1200.-
3. onn d'emprendissadi: CHF
1500.-

Chapitanias e chapitanis da la navigaziun interna transportan rauba e persunas sin las auas europeicas. Els pratitgeschan lur professiun sin grondas navs sco bastiments da rauba, navs-cisterna u navs da cruschera. Chapitanias e chapitanis sustegnan la squadra da la punt a realisar transports segirs. Els gidan al sbartgament ed a la partenza da las navs, èn responsabels per la segirezza da las collavuraturas e dals collavuraturers sco er da las passagieras e dals passagiers e mainan lur team.

Incumbensas

Sbartgament e partenza da las navs

- calcular la stabilitad per chargiar e per stgargiar las navs
- controllar la qualidad da la chargia
- manevrar navs en moda segira durant il sbartgament e la partenza
- fixar u schliar en moda professiunala e segira las navs cun sugas u cun fildarom a maun u cun meds auxiliars mecanics, p.ex. cun in turn da suga
- exequir ina manevra d'ancra segira
- avant e durant las manevras communitgar sur func cun la conductura u il conductur da la nav ed annunziar las distanzas al quai u a la porta da la sclusa

A bord da las navs

- navigar la nav sut la surveglianza da la conductura u dal conductur
- manipular rebels, motors e meds auxiliars nautics sco radar, func e GPS cun charta electronica
- surpigliar la responsabladad per ils systems da surveglianza da las maschinas, da las pumpas e dals auters apparats a bord
- en cas da disturbis infurmar ils commembers da la squadra, per ch'els reparian p.ex. ina pumpa defecta u filters stuppads

- tenor las prescripziuns procurar per la segirezza da las passagieras e dals passagiers, per exempel instruir ils passagiers, tge che sto vegnir fatg en cas d'in alarm
- tgirar e mantegnair corps da navs, indrizs e systems da bord
- en turnus surpigliar il servetsch da guardia e controllar il local da las maschinas sco er metter las bandieras e las glischs da signal
- observar las prescripziuns legalas ed ir enturn en moda professiunala cun la rauba privlusa e cun ils ruments

Ulteriuras activitads

- manar il persunal
- procurar per la protecziun e per la segirezza da las collavuraturas e dals collavuratur
- surpigliar la responsabladad per la planisaziun dal viadi, per che la rauba e las personas vegnian transportadas en moda segira ed a temp
- realisar activitads administrativas, per exempel far plans da mantunar u plans d'acziun

Ambient da lavur

Chapitanias e chapitanis da la navigaziun interna lavuran per in med da traffic cun orientaziun internaziunala, quai vul dir per ina cumpagnia da possessurs da navs u per in possessur da navs independent. Las personas directivas èn il post da contact tranter il manaschi da navs e la cumpagnia da possessurs da navs sin terra. Lur lavur sin l'aua è pretensiusa. Ellas vivan e lavuran a bord ed èn savens pliras emnas en gir ordaifer il cunfin naziunal. Per regla lavuran ellas en il team. Ellas lavuran da tutt'aura, er la notg e la fin d'emna, perquai ch'en gronds ports da mar vegn lavurà da tuttas uras. Segirezza e cumpetenz sociala giogan ina gronda rolla a bord. Igl è obligatoric da purtar in equipament da protecziun. A bord regia in scumond d'alcohol e da drogas.

L'emprendissadi po vegnir fatg a Basilea sin ina nav dal Rain. Personas interessadas n'han per regla nagina difficultad da chattar ina piazza d'emprendissadi. Chapitanias e chapitanis da la navigaziun interna èn personas spezialisadas fitg dumandadas. Tut tenor la cumpagnia da possessurs da navs e tut tenor las qualificaziuns persunalas pon els navigar independentamain cun ina nav da navigaziun interna suenter ch'els han ademplì durant 7 fin 10 onns lur professiun.

Pretensiuns e interess

Pretensiuns

- Abilitad da manar collavuraturas e collavuratur
- Prontezza da viagiari a l'exteriur
- Buna vesida
- Prontezza da lavurar durant uras irregularas u servetschs da notg
- Gronda toleranza da canera

- Resistenza a la temperatura u a l'aura
 - Resistenza corporala
 - Dun d'observar
-

Interess

- Lavurar en il team
- Esser corporalmain activ
- Esser savens sin viadi
- Schliar incumbensas tecnicas

Scolaziun

Manaschis

Sin ina nav ch'è en gir sin las vias navigablas europeicas, p.ex. sin ina nav dal Rain. Il post specialisà Surveglianza da la furmazion professiunala Basilea-Citad infurmescha davart las instituziuns che porschan la scolaziun.

Scola

Instrucziun en bloc a la scola professiunala specialisada Schiffer-Berufskolleg Rhein, Duisburg (D)

Durada

3.5 onns

Cundiziuns d'admissiun

Temp da scola obligatoric terminà

Maturitad professiunala

Maturitad professiunala a la scola professiunala specialisada Schiffer-Berufskolleg Rhein, Duisburg

Titel da finiziun

Chapitani / Chapitania da la navigaziun interna AFQ

Funcziun sco conductura u conductur da navs

Remartga: sunter il 2. onn d'emprendissadi vegn absolvi l'examen sco mariner / marinera.

Furmaziun cuntinuonta

Spezialisaziun

Certificat ADN per transports da rauba privlusa, certificat da func da Rain UUC, chapitani / chapitania (conductur / conductura da navs) e sunter examen da patenta da radar

Examen professiunal (EP)

Cun certificat professiunal federal: specialist / specialista da la duana e da la segirezza dals cunfins u polizist / polizista

Navigaziun d'auta mar

La scolaziun sin ina nav da navigaziun interna porscha la pussaivladad da fitgar pe en la navigaziun d'auta mar. In studi nautic sco uffizier / uffiziera è pussaivel.

Midada en auters secturs da la navigaziun interna

P.ex. conductura u conductur da navs sin bartgas dals pumpiers, da la protecziun da las auas, en la correcziun dals curs d'aua, survegliadra u survegliader da sclusas, guida u guid, possessura u possessur sco er chapitania u chapitani d'ina atgna nav a motor da rauba, ina nav-cisterna u ina nav da passagiers, navigatura u navigatur sin lais interns svizzers, activitad administrativa en ina cumpagnia da possessurs da navs u en in'agentura da port

Professiuns sumegliantas

Ulteriuras infurmaziuns

Swissdoc Nummer

TODO

Associazion svizra per la navigaziun e l'economia da port

<https://www.svs-ch.ch>

Ports dal Rain svizzers

<https://www.port-of-switzerland.ch>

<https://ahoi-captain.ch/>

<https://ahoi-captain.ch/>

TODO

<https://www.becc.admin.ch/becc/public/bvz/beruf/show/75105?lang=de>